

Anuncio

Expediente núm.: 180/2020

O pleno deste Concello en sesión extraordinaria celebrada o día 16 de xuño aprobou as bases de axudas a autónomos e de apoio ao pequeno comercio afectados pola crise sanitaria provocada polo covid-19, bases que se transcriben a continuación ao obxecto da convocatoria destas axudas:

"BASES PARA A CONCESIÓN DE AXUDAS A AUTÓNOMOS E DE APOIO AO PEQUENO COMERCIO AFECTADOS POLA CRISE SANITARIA PROVOCADA POLO COVID-19.

1.- OBXECTO.

As presentes Bases teñen por obxecto establecer a regulación (solicitud, tramitación, concesión e pago) das axudas a conceder polo Concello de O Páramo e destinadas a paliar o impacto derivado da crise sanitaria ocasionada polo COVID-19 sobre os pequenos empresarios autónomos que tiveron que pechar os seus establecementos ou que viron mermados os seus ingresos, trala entrada en vigor do Real Decreto 463/2020, do 14 de marzo, polo que se declara o Estado de Alarma para a xestión da situación de crise sanitaria ocasionada polo COVID-19.

O artigo 22.2. c) da Lei 38/2003, do 17 de novembro, Xeneral de Subvencións sinala que, con carácter excepcional, poderán concederse de forma directa aquelas outras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

Por iso, a través da concesión directa de subvencións ás empresas preténdese atenuar o impacto económico do Covid-19 impulsando a actividade económica no termo municipal do Páramo, contribuíndo a facilitarlles o cumprimento das súas obrigacións e mantemento da actividade empresarial e o emprego

Preténdese protexer o interese xeral da cidadanía de O Páramo, dando soporte ás persoas autónomas, microempresa e pequena empresa, para minimizar o impacto crise económica provocada polo COVID-19 e lograr que, unha vez finalizada a alarma sanitaria, se produza canto antes unha reactivación da economía do noso Concello, actuando directamente sobre as persoas físicas e xurídicas máis afectadas.

2.- NORMATIVA APLICABLE

A presente convocatoria rexeráse, con carácter xeral, polo disposto nas bases reguladoras, na Lei 38/2003, de 17 de novembro, xeral de subvencións e o seu Regulamento de desenvolvemento, aprobado por Real Decreto 887/2006, de 21 de xullo, na Lei 9/2007, de 13 de xuño, de subvencións de Galicia (en adiante LSG) e nas Bases de execución do orzamento municipal para o exercicio 2020 e, supletoriamente, na Lei 39/2015, de 1 de outubro, do procedemento administrativo común das administracións públicas e calquera outra disposición normativa que pola súa natureza puidese resultar de aplicación.

A xestión destas subvencións suxeitarase aos principios de publicidade, concorrencia, transparencia, obxectividade, igualdade e non discriminación, así como á eficacia no cumprimento de obxectivos e eficiencia na asignación e utilización dos recursos públicos.

3.- CRÉDITO ORZAMENTARIO.

A contía destinada a atender estas subvencións ascende a un importe total de 10.000 € do vixente orzamento municipal con cargo á aplicación orzamentaria 430.480 unha vez aprobada de forma definitiva a oportuna transferencia de crédito. A concesión das axudas queda condicionada a aprobación de maneira definitiva da oportuna transferencia de crédito.

Non obstante, e tendo en conta as solicitudes da presente convocatoria, poderá ampliarse o crédito de acordo coas disponibilidades orzamentarias do Concello do Páramo, sen necesidade de proceder a unha nova convocatoria de axudas.

5.- CONTÍA DAS AXUDAS.

O importe que se aboará a cada beneficiario será:

- O equivalente á metade do recibo de autónomos do mes de Marzo, o importe integro do recibo de autónomos do mes de Abril e a metade do recibo de autónomos do mes de maio .
- Gastos en suministros de enerxía eléctrica e comunicacións vinculados ao local comercial onde se desenvolve a actividade e relativos ao período comprendido entre o 14 de marzo e o 11 de maio de 2020 sempre e cando durante dito período o establecemento permanecera pechado e non poidera desempeñar ningunha actividade a porta pechada,
- Gastos en concepto de arrendamiento del local comercial relativos ao período comprendido entre o 14 de marzo e o 11 de maio de 2020 sempre e cando durante dito período o establecemento permanecera pechado e non poidera desempeñar ningunha actividade a porta pechada.

En ningún caso subvencionare os gastos en suministros de enerxía eléctrica e comunicacións ou gastos de arrendamento da vivenda particular aínda que a actividade exérxase nela.

6.- BENEFICIARIOS E REQUISITOS QUE DEBEN CUMPRIR.

Poderán solicitar esta subvención aquelas persoas físicas ou xurídicas, como as comunidades de bens, sociedades civís ou outras entidades económicas sen personalidade xurídica, legalmente constituídas que leven a cabo as actividades económicas que motivan a concesión da subvención e que cumpran os seguintes requisitos:

- a) Ter un negocio ou actividade nun establecemento ubicado no termo municipal e que permanecera pechado e non poidera desempeñar ningunha actividade a porta pechada, como consecuencia da prohibición establecida polo goberno central ao declarar o estado de alarma. Serán beneficiarios tamén aqueles autónomos que solicitaran un cese de actividade como consecuencia do Covid-19 e lles fora aprobado (RDL 8/2020, Artigo 17)
- b) Estar dado de alta no réxime da Seguridade Social ou na Mutua profesional correspondente e en Facenda no momento da presentación da instancia.
- c) Non atoparse incursas en ningunha das circunstancias recollidas no artigo 13.2 e 13.3 da Lei 38/2003, de 17 de novembro, Xeral de Subvencións, e en particular, estar ao corrente no cumprimento das súas obrigacións tributarias coa Facenda estatal (AEAT) e coa Tesouraría Xeral da Seguridade Social (TGSS). Este requisito debe cumprirse desde a data de presentación da solicitude ata a data do pago da subvención, no seu caso.

7.- CONCORRENCIA CON OUTRAS SUBVENCÍONS.

As axudas previstas serán compatibles con calquera outra das reguladas para a mesma finalidade.

En ningún caso o importe da subvención unido ao doutras posibles subvencións, ingresos ou recursos para a mesma finalidade, procedentes de calquera administración ou ente público ou privado poderá superar a diminución de ingresos da actividade como consecuencia da crise provocada polo COVID-19.

En caso de resultar beneficiaria dunha subvención ao abeiro da presente convocatoria e con posterioridade resultar beneficiaria doutra subvención incompatible coa mesma, poderase renunciar á subvención concedida polo Concello de O Páramo, reintegrando o importe percibido e aboando ademais os correspondentes xuros de mora xerados, tal e como se establece na Lei 38/2003, 17 de novembro, Xeneral de Subvencións e demais normativa aplicable.

8.- LUGAR E PRAZO DE PRESENTACIÓN DAS SOLICITUDES.

- modelo de solicitude normalizado para a obtención das subvencións reguladas na presente convocatoria estará dispoñible na web municipal www.concellodeoparamo.com e nas oficinas municipais.
- As solicitudes, poderán presentarse por vía telemática a través da Sede Electrónica do Concello de O Páramo accesible a través do enlace <https://oparamo.sedelectronica.gal>, utilizando o formulario xenérico de solicitude dispoñible na sede, ou nas oficinas municipais presentando o modelo normalizado sinalado no parágrafo anterior.
- prazo de presentación de solicitudes será de quince días hábiles contados a partir do día seguinte á publicación do extracto da convocatoria no Boletín Oficial da Provincia de Lugo (BOP).
- A presentación da solicitude de subvención fora do prazo establecido e a non utilización, no seu caso, do formulario normalizado de uso obrigatorio, serán causas de inadmisión da solicitude.

9.- DOCUMENTACIÓN A PRESENTAR.

A solicitude normalizada deberá estar asinada pola persoa interesada ou o seu representante legal e debe acompañarse obrigatoriamente da seguinte documentación:

a) DNI, NIE acompañado do pasaporte no seu caso, ou CIF da persoa xurídica, sociedade civil, comunidade de bens ou outras entidades económicas sen personalidade xurídica, así como acreditación da representación no caso de persoas xurídicas.

b) Certificado actualizado de Situación Censal que indique a actividade económica coa súa data de alta, o domicilio fiscal e no seu caso o do local de desenvolvemento da actividade.

c) Copia do recibo de autónomos do mes de Marzo e Abril de 2020.

d) Documentos xustificativos dos gastos, facturas ou documentos equivalentes acreditativos dos gastos e pagos efectivamente realizados polo beneficiario da subvención e que necesariamente deben corresponder ao período subvencionable.

Considerarase gasto realizado o expedido ao beneficiario da subvención e efectivamente pagado con anterioridade a solicitude da subvención.

e) Copia da solicitude de cese de actividade e resolución da súa aprobación.

f) Certificación do número de conta bancaria onde se ingresará a axuda.

g) Declaración xurada que conterá o pronunciamento expreso sobre as seguintes cuestións:

- Que a actividade afectada polo peche do establecemento disposta polo estado de alarma non se viu compensada por un incremento da facturación mediante un incremento do volume de negocio online ou telefónico da persoa solicitante.

- Que a persoa solicitante asume o compromiso de destinar a subvención á finalidade prevista.

- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.

- Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.

- Que a persoa solicitante comprométese á comunicación de subvencións concedidas con anterioridade á presentación da subvención coa mesma finalidade e o compromiso de comunicar o máis axiña posible as axudas obtidas con posterioridade á presentación da solicitude e antes da resolución da mesma.

- Que a actividade que desenvolven viuse obrigada ao peche de establecementos disposto RD 465/2020 de 17 de marzo que modifica o artigo 10 do RD 463/2020 de 14 de marzo ou sofre unha redución da súa facturación no mes anterior á solicitude desta subvención de polo menos o 75%, en relación coa media efectuada no semestre natural anterior á declaración do estado de alarma.

h) Certificados de acharse ao corrente no cumprimento das obrigas tributarias coa Axencia Estatal da Administración Tributaria (AEAT), Axencia Tributaria de Galicia (ATRIGA), fronte á Seguridade Social (TGSS), e autorización para a consulta do informe de vida laboral, asinado pola persoa interesada ou representante legal da persoa ou entidade solicitante. Cando a persoa interesada non é a mesma que a persoa que asina a solicitude deberá cumprimentarse o anexo da instancia para autorizar á consulta da vida laboral e estar asinado pola persoa interesada.

10.- PROCEDEMENTO E INSTRUCCIÓN.

A concesión da subvención regulada nesta convocatoria, realizarase de acordo co establecido nos artigos 22.1 e 23 a 27 da Lei Xeral de Subvencións.

A instrución do procedemento corresponderá ao Servizo de desenvolvemento Local que realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución.

A proposta do servizo instrutor, a concesión da subvención efectuarase en réxime de concorrencia competitiva, establecéndose como criterio de valoración a data e hora de entrada que figuren rexistradas na solicitude, reunindo a totalidade de requisitos e documentación requirida na convocatoria. En caso de non presentar a solicitude coa documentación completa, considerarase como data de Rexistro de Entrada a da última presentación de documentación relativa a dita solicitude. A concesión de axudas efectuarase pola alcaldía ata agotar o crédito dispoñible destinado a atendelas.

O órgano instrutor comprobará polo seu orde cronolóxico de presentación as solicitudes recibidas. Aquelas solicitudes que cumpran cos requisitos exixidos, ata agotar o crédito inicial dispoñible da convocatoria, serán propostas para ser resoltas favorablemente pola alcaldía.

As propostas de resolución, publicaranse a efectos de notificación no taboleiro de edictos electrónico do Concello.

11.- OBRIGAS.

Son obrigas das beneficiarias:

- a) Manter a actividade económica durante 3 meses, como mínimo, a partir do día seguinte da finalización do estado de alarma.*
- b) Someterse ás actuacións de comprobación e control financeiro previstas pola vixente normativa en materia de subvencións.*
- c) Proceder ao reintegro dos fondos percibidos nos supostos contemplados no artigo 37 da Lei Xeral de Subvencións, e en particular, por obter a subvención falseando as condicións requiridas para iso ou ocultando aquelas que o impediron, ou mostrar resistencia, excusa, obstrución ou negativa ás actuacións de comprobación e control financeiro prevista no artigo 14 da Lei Xeral de Subvencións.*
- d) Cumprir as restantes obrigacións que detalla o artigo 14 da Lei Xeral de Subvencións e 11 da Lei 9/2007, de 13 de xuño, de Subvencións de Galicia.*
- e) No caso de que a persoa ou empresa beneficiaria se atope comprendida nos supostos do artigo 3.b) da Lei 19/2013, de 9 de decembro, de Transparencia, acceso á información pública e bo goberno, deberá adaptarse ás obrigas de publicidade activa que lle resulten aplicables.*
- f) A aceptación das subvencións por parte das entidades beneficiarias implica a suxección ás obrigas establecidas con carácter xeral nas presentes bases e demais normativa aplicable en materia de subvencións.*

12.- PAGAMENTO DAS SUBVENCIÓNS E GARANTÍAS.

O pago destas subvencións realizarase nun pago único pola totalidade do importe concedido, mediante transferencia bancaria, a partir da data da resolución de concesión, sen que sexa necesaria a constitución de garantías.

En caso de incumprimento das obrigas, no seu caso, detalladas nesta convocatoria, o Servizo xestor iniciará de oficio expediente administrativo que, previa audiencia á persoa interesada, propondrá a iniciación de procedemento de reintegro dos fondos, xunto coa liquidación dos xuros de mora correspondentes.

13.- REINTEGRO DAS SUBVENCIÓNS.

O reintegro do importe percibido, cando cumpra, rexerase polo disposto no título II da LGS e polo título III do RLGS.

Xunto ás causas de invalidez da resolución de concesión, recollidas no artigo 36 da LGS, darán lugar á obrigación de reintegrar, total ou parcialmente, as cantidades percibidas, así como a esixencia do interese de demora correspondente desde a data do pago da subvención ata que se acorde a procedencia do reintegro, os supostos previstos con carácter xeral no artigo 37 da Lei xeral de subvencións.

Se a persoa beneficiaria incumpre a obrigación de manter a actividade económica durante os 3 meses establecidos no punto 11 de convocatoria procederá ao reintegro do importe da subvención cobrado por este concepto.

Sen prexuízo de iniciar o procedemento de reintegro, en caso de incumprimento das obrigas establecidas con motivo da concesión da subvención, a persoa ou empresa beneficiaria poderán comunicar ao órgano xestor por rexistro de entrada este feito e efectuar a devolución voluntaria da cantidade percibida. “

SOLICITUDE DE CONCESIÓN DE AXUDAS A AUTÓNOMOS E DE APOIO AO PEQUENO COMERCIO AFECTADOS POLA CRISE SANITARIA PROVOCADA POLO COVID-19.**ANEXO - MODELO DE SOLICITUDE****DATOS DE IDENTIFICACIÓN:**

Don/a.

con DNI _____ e con domicilio en _____ en nome propio ou como representante da razón
social denominada _____ con CIF n.º _____ e responsable do local comercial denominado _____

Vista a convocatoria realizada polo Concello de O Páramo de axudas a Autónomos e pequeno comercio local como consecuencia do COVID 19, **SOLICITA:**

A axuda establecida nas bases desa convocatoria e achega a seguinte documentación:

- a) DNI, NIE acompañado do pasaporte no seu caso, ou CIF da persoa xurídica, sociedade civil, comunidade de bens ou outras entidades económicas sen personalidade xurídica, así como acreditación da representación no caso de persoas xurídicas.
- b) Certificado actualizado de Situación Censal que indique a actividade económica coa súa data de alta, o domicilio fiscal e no seu caso o do local de desenvolvemento da actividade.
- c) Copia do recibo de autónomos do mes de Marzo e Abril de 2020.
- d) Documentos xustificativos dos gastos, facturas ou documentos equivalentes acreditativos dos gastos e pagos efectivamente realizados polo beneficiario da subvención e que necesariamente deben corresponder ao período subvencionable.

Considerarase gasto realizado o expedido ao beneficiario da subvención e efectivamente pagado con anterioridade a solicitude da subvención.

e) Copia da solicitude de cese de actividade e resolución da súa aprobación.

f) Certificación do número de conta bancaria onde se ingresará a axuda.

g) Certificados de acharse ao corrente no cumprimento das obrigas tributarias coa Axencia Estatal da Administración Tributaria (AEAT), Axencia Tributaria de Galicia (ATRIGA), fronte á Seguridade Social (TGSS), e autorización para a consulta do informe de vida laboral, asinado pola persoa interesada ou representante legal da persoa ou entidade solicitante. Cando a persoa interesada non é a mesma que a persoa que asina a solicitude deberá cumprimentarse o anexo da instancia para autorizar á consulta da vida laboral e estar asinado pola persoa interesada.

O Páramo, ____ de _____ de 2020

DECLARACIÓN XURADA

Don/a.

con DNI

e con domicilio en

en nome propio ou como

representante da razón social denominada con CIF n.º
denominado

e responsable do local comercial

DECLARO BAIXO XURAMENTO:

- Que a actividade afectada polo peche do establecemento disposta polo estado de alarma non se viu compensada por un incremento da facturación mediante un incremento do volume de negocio online ou telefónico da persoa solicitante.
- Que a persoa solicitante asume o compromiso de destinar a subvención á finalidade prevista.
- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.
- Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.
- Que a persoa solicitante comprométese á comunicación de subvencións concedidas con anterioridade á presentación da subvención coa mesma finalidade e o compromiso de comunicar o máis axiña posible as axudas obtidas con posterioridade á presentación da solicitude e antes da resolución da mesma.
- Que a actividade que desenvolven viuse obrigada ao peche de establecementos disposto RD 465/2020 de 17 de marzo que modifica o artigo 10 do RD 463/2020 de 14 de marzo ou sofre unha redución da súa facturación no mes anterior á solicitude desta subvención de polo menos o 75%, en relación coa media efectuada no semestre natural anterior á declaración do estado de alarma.

O Páramo, ____ de _____ de 2020